

Syllabus za kurs Italijanskog jezika za početnike- A1.1 nivo

Podaci o predavačici

Ime i prezime: Manjana Kavazović
E-mail adresa: manjana.kavazovic@gmail.com

Biografija predavača/ice:

Manjana Kavazović rođena je 21. 1. 1999. godine u Sarajevu. Magistrala je Italijanski jezik i književnost na Filozofskom fakultetu u Sarajevu 2023. godine. Tokom studija je još učila španski jezik do nivoa B2, a ima i iskustva u prevodenju te predavanju oba ova jezika. Predavala je španski jezik na OAK akademiji, davala privatne časove oba jezika, a trenutno drži kurseve španskog i italijanskog jezika u ACADEMY387. Osim jezicima bavi se još umjetnošću i kreativnim pisanjem, već je napisala jednu knjigu te objavila nekoliko poetskih radova, a vodi i online shop za nakit.

LinkedIn profil: <https://www.linkedin.com/in/manjana-kavazovi%C4%87/>

Opće informacije o kursu:

Savršen kurs za zaljubljenike u italijansku kulturu!

Opis kursa:

Kurs italijanskog jezika A1.1 predviđen je za sve one koji žele početi učiti ovaj jezik, ali imaju malo ili nimalo predznanja. Kreće se od samih osnova jezika, abecede te pravila pisanja i čitanja. Na svakom susretu se obrađuje jedna nova didaktička cjelina, a svaka će polaznicima pružiti dobru gramatičku podlogu za učenje italijanskog jezika. Već od prvog časa polaznici će se ohrabrivati da govore na italijanskom uz pomoć predavačice, a tokom kursa izmjenjivat će se vježbe konverzacije, pisanja, čitanja kao i zadaci iz gramatike.

Svaka gramatička cjelina bit će obrađena tako da se pređeno gradivo i usvojeno znanje može primijeniti u stvarnim životnim situacijama, što će pomoći polaznicima da progovore jezik.

Aktivnosti tokom kursa će također obuhvatiti sve četiri linguističke vještine: pisanje, čitanje, slušanje te govor na nivou A1.

Očekivanja i ciljevi:

Po završetku kursa polaznici će posjedovati elementaran vokabular te osnovno gramatičko znanje o italijanskom jeziku. Bit će u stanju konstruisati jednostavne rečenice, te se snaći u određenim situacijama koristeći naučeno gradivo. Moći će se pozdraviti, predstaviti, reći nešto o sebi i o svojoj porodici te izraziti slaganje ili neslaganje.

Polaznici će tako razviti kompetencije čitanja, pisanja, govora i slušanja na nivou A1.1 te dobiti gramatičke osnove potrebne za nastavak učenja italijanskog jezika, odnosno za A1.2 nivo.

Cilj ovog kursa je također prenijeti entuzijazam koji će potaknuti polaznike da nastave učiti ovaj jezik.

Materijali/oprema neophodna za kurs:

Neophodni materijali/oprema: Progetto italiano A1-A2 (polaznici će dobiti PDF verziju knjige na početku kursa)

Poželjni materijali/oprema: sveska i olovka

Trajanje kursa:

6 sedmica

Broj sati/časova:

Kurs traje 24 školska časa

Raspored tema:

Sedmica 1	Predstavljanje, Abeceda
Sedmica 2	Rod i broj imenica, Određeni i neodređeni članovi
Sedmica 3	Glagoli ESSERE i AVERE, osobne zamjenice, pridjevi, boje, porodica
Sedmica 4	Mjeseci, dani u sedmici, godišnja doba, datumi, sati, rođendani, brojevi
Sedmica 5	Pravilni glagoli
Sedmica 6	Ponavljanje gradiva, autoevaluacija

Dodatne informacije i resursi?